



Arkivsaknr: 2025/6979-17
Sakshandsamar: Anders Olav Dale
Avdeling: Idrett og friluftsliv

SAKSFRAMLEGG

Kultur som drivkraft - kommunedelplan for kultur, idrett og friluftsliv 2023-2035. Årleg rullering av anleggsstrategi og status handlingsprogram

Utvalssak	Utval	Møtedato
	Utval for næring, kultur og idrett	
	Kommunestyret	

Kommunedirektøren sitt framlegg til vedtak:

Alver kommunestyre godkjenner årleg rullering av anleggsstrategi og status handlingsprogram – Kultur som drivkraft, kommunedelplan for kultur, idrett og friluftsliv 2023-2035.

Politisk handsaming

Saka skal til innstilling i utval for næring, kultur og idrett. Saka skal avgjerast i kommunestyret.

Saka gjeld

Anleggsstrategien vert rullert kvart år, og er særleg knytt til spelemidlar. Strategien er del av kommunedelplanen for kultur, idrett og friluftsliv. Status for kommunedelplanen sitt handlingsprogram vert òg oppdatert i samband med rulleringa.

Saksopplysningar

Bakgrunn

Anleggsstrategien var i åra 2020-2023 Alver kommune sin samordna anleggs- og idrettsplan, vedteken for første gong i 2019. Dokumentet gjeld i dag planlegging av anleggsutvikling og spelemidlar, både for kommunen og ideelle aktørar innan idrett og kultur.

I tillegg omhandlar dokumentet prinsipp for samarbeidet mellom kommune og idrettslaga. Dette har bakgrunn i store skilnadar mellom dei tre gamle kommunane på idrettsfeltet. Det var derfor ei eigen prosess i 2019 mellom kommunen, dei tre gamle idrettsråda og

fellesidrettsrådet i forkant av kommunesamanslåinga. Prinsippa har vorte justert i dei siste åra i samråd med idrettsrådet.

Særleg om spelemidlar til kulturbygg:

Søknadsfrist for spelemidlar kulturbygg for 2025 er alt gått ut. Dei innkomne søknadane vart handsama i utval for næring, kultur og idrett den 06.05.2025, PS 15/2025.

Anleggsstrategien si liste over prioriterte kulturbygg i omfattar både desse omsøkte kulturanlegga og andre anlegg ein har fått innspel om er i prosess.

Handlingsprogrammet:

Handlingsprogrammet høyrer i lag med den strategiske og tematiske hovuddelen av kommunedelplanen, men med ein kortare tidshorisont (2 + 2 år). Handlingsprogrammet skal vere levande og gjerast opp status for kvart år. Ein ber om innspel og merknadar til dette, i fall det er nye tiltak og initiativ som kommunen bør vite om til si gjennomføring av den strategiske plandelen.

Handlingsprogrammet er delt opp i aktivitetar (strategiar for gjennomføring) og tiltak (handlingar). Tiltakslista er meint for gryteklare prosjekt eller planleggingsoppgåver.

Handlingsprogrammet skal tydeleggjere prioriteringar og skape forankring internt og eksternt. Oppdatert konkretisering av moglegheiter og tiltak som forankring for eksterne tilskot er særleg viktig. Det har eit gjennomføringsperspektiv, men omhandlar ikkje økonomi direkte.

Partar

Innbyggjarar, organisasjonar, næringsliv.

Vurdering

Handlingsprogrammet omfattar mange tiltak frå planprosessen og som oppfølging av den strategiske delen av planen. Talet på tiltak har bakgrunn i at planen omhandlar breie fag- og samfunnsfelt, og at den legg grunnlag for aktivitet og retning på mange plan, i ein relativt ny kommune utan tidlegare heilskapleg kulturpolitikk.

Det er naturleg at handlingsprogrammet gradvis vert mindre, både ved at mange tiltak vert gjennomført, eller ved endra føresetnader og prioriteringar.

Anleggsstrategien er oppdatert etter tildelinga av spelemidlar i juni 2025.

Gjennomgang og status for tiltak i handlingsprogrammet og anleggsstrategien vart sendt til ettersyn 01.07–22.08.2025. Det kom inn fire innspel til handlingsprogrammet og seks til anleggsstrategien. Desse er samla i merknadsskjema lagt ved saka, og ein finn også kvart enkelt innspel som vedlegg til saka.

Økonomiske konsekvensar

Saka om handlar ikkje økonomi.

Miljømessige konsekvensar

Planen har påverknad på miljø og klima, ved utbygging, ressursbruk og reiseverksemd.

Planen søker eit kultur- og idrettsliv som reduserer klimaavtrykk og påverknad på ytre miljø.

Organisasjonsmessige konsekvensar

Ingen kjente konsekvensar.

Risiko

Ingen kjent risiko.

Vurdering av særskilte grupper

Planen omtalar særskilte grupper og inkludering.

Kommunedirektøren si tilråding

Kommunedirektøren tilrår å godkjenna årleg rullering av anleggsstrategi og status handlingsprogram slik dei ligg til saka.

Vedlegg

- 1 Uttale_Alver Kulturråd
- 2 Uttale_IL Kvernbit
- 3 Uttale_Meland golfklubb
- 4 Uttale_Mjåtveitmarka velforeining
- 5 Anleggsstrategi Alver kommune - haust 2025_rullering
- 6 Uttale_Alver Idrettsråd
- 7 Uttale_Ostereidet Bygdelag
- 8 Uttale_Jørgen Olsvoll
- 9 Uttale_Holsnøy kystlag
- 10 Uttale_Samfunnshuset Haugatun
- 11 Kultur som drivkraft - oversikt og status handlingsprogram 2025-2028
- 12 Uttale_Postmuseet Vestland Kulturarv i Alver kommune,
- 13 Uttale_presisering - Rullering av handlingsprogram og anleggsstrategi
- 14 Uttale_postmuseet Vestland - Rullering av handlingsprogram og anleggsstrategi
- 15 Merknadsskjema. Kultur som drivkraft - oversikt og status handlingsprogram 2025-2028.

